



〈观染染者品¹〉第六

问曰：经说贪欲、瞋恚、愚痴，是世间根本²。贪欲有种种名，初名爱，次名著，次名染，次名淫欲，次名贪欲，有如是等名字。此是结使，依止众生。众生名染者，贪欲名染法，有染法、染者故，则有贪欲。余二亦如是，有瞋则有瞋者，有痴则有痴者。以此三毒因缘起三业，三业因缘起三界，是故有一切法。

答曰：经虽说有三毒名字，求实不可得。何以故？

67 68

若离于染法，先自有染者，

因是染欲者，应生于染法。³

¹ 一、清辨，《般若灯论释》作〈观染染者品〉。
二、安慧，《大乘中观释论》作〈观染法染者品〉。

² 《杂阿含经》（346经）云：

[尔时，世尊告诸比丘：“有三法，世间所不爱、不念、不可意。何等为三？谓老、病、死。世间若无此三法不可爱、不可念、不可意者，如来、应、等正觉不出于世间，世间亦不知有如来、应、等正觉知见，说正法、律。以世间有老、病、死三法不可爱、不可念、不可意故，是故如来、应、等正觉出于世间，世间知有如来、应、等正觉所知、所见，说正法、律。

以三法不断故，不堪能离老、病、死，何等为三？谓贪、恚、痴。]

³ 一、《般若灯论释·观染染者品》云：





若无有染者，云何当有染？

若有若无染，染者亦如是。⁴

若先定有染者，则不更须染，染者先已染故。若先定无染者，亦复不应起染，要当先有染者然后起染；若先无染者，则无受染者。

染法亦如是，若先离人定有染法，此则无因，云何得起？似如无薪⁵火。若先定无染法，则无有染者。是故偈中说：“若有若无染，染者亦如是⁶。”

问曰：若染法、染者先后相待生，是事不可得者；若一时生，有何咎？

若先有染者，离染染者成。
因染得染者，染者染不然。

二、《大乘中观释论·观染法染者品》云：

若先有染者，后有其染法，
云何离染法，而有染者生？

⁴ 一、《般若灯论释·观染染者品》云：

染者先有故，何处复起染？
若有若无染，染者亦同过。

二、《大乘中观释论·观染法染者品》云：

有染者复染，云何当可得？
若有若无染，染者亦复然。

⁵ 薪：拼音 xīn，柴火：薪尽火传(chuán)（柴火烧完，又引燃了后一根柴，火永远不灭。原指人形骸有尽而精神未死，后亦用以喻思想学问、技艺代代相传）。

⁶ 若有若无染，染者亦如是：即由此理，可说颂曰：

若离于染者，先自有染法，
因是染欲法，应生于染者。
若无有染法，云何有染者？





答曰：

69

染者及染法，俱成则不然；

染者染法俱，则无有相待。⁷

若染法、染者一时成，则不相待。不因染者有染法，不因染法有染者，是二应常，已无因成故⁸。若常则多过，无有解脱法。

复次，今当以一、异法，破染法、染者。何以故？

70

染者染法一，一法云何合？

染者染法异，异法云何合？⁹

⁷ 一、《般若灯论释·观染染者品》云：

染及染者二，同时起不然，
如是染染者，则不相观故。

二、《大乘中观释论·观染法染者品》云：

如是若同生，亦复非道理，
染法染者二，此当云何用？

⁸ 《释量论·成量品》云：

乃暂时性故，证实苦具因，
无因不待他，故成恒有无。

⁹ 一、《般若灯论释·观染染者品》云：

染及染者一，一则无同时。
染及染者异，同时亦叵得。

二、《大乘中观释论·观染染者品》云：





染法、染者，若一法合，若以异法合：若一则无合。何以故？一法云何自合？如指端不能自触¹⁰。若以异法合，是亦不可。何以故？以异成故，若各成竟不须复合，虽合犹¹¹异。

复次，一、异俱不可。何以故？

71

若一有合者，离伴应有合；

若异有合者，离伴亦应合。¹²

若染、染者一，强名为合者，应离余因缘而有染、染者。

复次，若一，亦不应有染、染者二名。染是法，染者是人，若人、法为一，是则大乱。

若染、染者各异，而言合者，则不须余因缘而有合；若异而合者，虽远亦应合。

彼染法染者，非一性有合。
异性若有合，云何当可得？

¹⁰ 《阿毗达磨大毗婆沙论》卷第二十云：

[复次，若自性于自性为能作因，便违世间诸现见事。谓指端不自触，眼不自见，刀不自割，诸有力人不能自负如是一切。]

¹¹ 犹：拼音 yóu，〈副〉还；仍然。余寒犹厉。——明·袁宏道《满井游记》

¹² 一、《般若灯论释·观染染者品》云：

若别同时者，离伴亦应同。

二、《大乘中观释论·观染法染者品》云：

若一性可合，离伴亦应合。

异性若有合，离伴亦应合。

